

**UDHËZUES PËR PLOTËSIMIN E FORMULARIT A1Z**  
**Matura Shtetërore 2019**

1. **Formulari A1Z** plotësohet online.
2. Plotësimi i **Formularit A1Z** fillon në Portalin Qeveritar e-albania, dhe përfundon në shkollë në portalin e Maturës.
3. Formulari A1Z plotësohet nga:
  - a) Kandidati/kandidatja që ka përfunduar shkollën e mesme para vitit 2019 dhe që ka detyrim për të dhënë një ose disa provime të Maturës Shtetërore;
  - b) Kandidati/kandidatja që ka kryer arsimin e mesëm jashtë vendit, i cili/e cila pasi ka bërë njehsimin e diplomës në komisionin përkatës, në QSHA, rezulton se ka detyrim për të dhënë një ose disa provime të Maturës Shtetërore;
  - c) Kandidati/kandidatja që ka përfunduar shkollën e mesme në Shqipëri ose jashtë vendit, që nuk kanë detyrim për të dhënë provime në MSH 2019, por që dëshiron të vazhdojë studimet në Institucionet e Arsimit të Lartë (IAL).
4. Procesi i plotësimit të **Formularit A1Z** në shkollë ndiqet nga një person i ngarkuar nga drejtoria e shkollës, që do të quhet "mbikëqyrës".
5. Mbikëqyrësi pajiset me kodin përkatës të hyrjes në sistem. Vetëm pasi mbikëqyrësi vendos kodin në sistem, kandidati/kandidatja mund të përfundojë plotësimin e **Formularit A1Z**.
6. Kandidati/kandidatja për të plotësuar formularin A1Z, duhet të paraqesë tek mbikëqyrësi një vërtetim të lëshuar nga shkolla, i cili pasqyron provimet që ai ka dhënë dhe rezultatet që ai ka marrë në to. Vërtetimi, veç gjeneraliteteve duhet të ketë edhe këto të dhëna:
  - a) Provimet e detyruara dhe vlerësimet e shkallëzuara të secilit provim, nëse ato rezultojnë të fituara nga kandidati/kandidatja.
  - b) Provimin me zgjedhje që dëshiron të mbartë kandidati/kandidatja dhe vlerësimin e shkallëzuar të tij.Vërtetimi pas përfundimit të aplikimit i bashkëngjitet kopjes së formularit A1Z, që mban shkolla dhe dorëzohet në QSHA, 5 ditë pas përfundimit të aplikimeve.
7. Formulari i plotësuar printohet, nënshkruhet nga kandidati/kandidatja dhe mbikëqyrësi si dhe vulozet nga drejtori i shkollës ku plotësohen formularët A1Z. Shkolla ruan një kopje të formularëve të printuar deri në përfundim të Maturës Shtetërore 2019.

## I. Të dhënat personale

### Plotësohen nga kandidati

- **Tek pika 1 e formularit A1Z**, (numri personal i letërnjoftimit (ID)), kandidati/kandidatja shënon numrin e tij personal që ka në dokumentin e identifikimit. Ky informacion është i detyrueshëm dhe pa plotësuar atë nuk mund të vijohet me aplikimin.

Për të dhënat në pikat **2-5 të formularit A1Z**, pas plotësimit nga kandidati/kandidatja, sistemi bën verifikimin e tyre dhe nuk lejon të vazhdohet aplikimi, nëse ka pasaktësi.

- **Tek pika 6 e formularit A1Z**, kandidati/kandidatja shënon në fushat përkatëse adresën e email-it dhe numrin e telefonit, të cilat duhet të ruhen të pandryshuara deri në fund të Maturës Shtetërore 2019, me qëllim që ai/ajo (kandidati/kandidatja) të marrë informacion në faza të ndryshme të procesit.  
Nëse kandidati/kandidatja nuk ka telefon, ose nuk dëshiron të shënojë numrin e telefonit, atëherë mbikqyrësi shënon numrin e tij të telefonit.
- **Tek pika 7 e formularit A1Z**, kandidati/kandidatja zgjedh nga lista Po ose Jo.

## II. Të dhëna shkollore

Të dhënat shkollore do të plotësohen në bashkëpunim me **mbikëqyrësin** e sallës ku bëhet aplikimi. Për plotësimin e saktë të kërkesave të këtij grupimi, kandidati/kandidatja dhe mbikëqyrësi duhet të marrin informacion të saktë dhe të plotë për rubrikat përkatëse:

### Plotësohen nga kandidati

- **Tek pika 8 e formularit A1Z**: (emri i qytetit/fshatit), kandidati/kandidatja shënon emrin e qytetit/fshatit, ku ndodhet shkolla, ku ai/ajo ka studiuar.
- **Tek pika 9 e formularit A1Z**: (emri i shkollës ku ka studiuar), kandidati/kandidatja shënon emrin e shkollës, ku ai/ajo ka përfunduar studimet.

### Plotësohen nga mbikqyrësi

- **Tek pika 10 e formularit A1Z**, mbikqytësi plotëson emrin e DAR/ZA-së përkatëse.
- **Tek pika 11 e formularit A1Z**, (Indeksi i profilit), zgjidhet nga lista (Indeksi i profilit/degës) numri dyshifror që i përket emërtimit të profilit të shkollës ku ka studiuar kandidati/kandidatja ose ai që është përcaktuar nga komisioni i njehsimit të diplomave për shtetasit që kanë përfunduar shkollën e mesme jashtë vendit, sipas shkresës së lëshuar nga komisioni.
- **Tek pika 12**, (emërtimi i profilit) mbikqyrësi plotëson emrin e profilit/degës.

### III. Të dhëna lëndore

#### Plotësohen nga mbikqyrësi

Zgjedhja e lëndëve bëhet në përputhje me Udhëzimin Nr. 3, datë 14.02.2018, "Për organizimin dhe zhvillimin e provimeve kombëtare të MSH 2019", i ndryshuar dhe Udhëzimin e përbashkët të Ministrisë së Financave dhe Ekonomisë dhe Ministrisë së Arsimit, Sportit dhe Rinisë, "Për organizimin dhe zhvillimin e provimeve kombëtare të MSH Profesionale 2019".

Të dhënat e mëposhtme mbikqyrësi i plotëson mbështetur në vërtetimin e përmendur në pikën 6 të këtij udhëzimi:

- ID e kandidatit/kandidates: Shënohet ID që kandidati/kandidatja ka marrë në maturat e mëparshme. Nëse nuk ka marrë ID ose nuk e mban mend, fusha të mbetet bosh.
- Viti i përfundimit të shkollës së mesme: (zgjidhet nga lista "Viti i përfundimit të shkollës së mesme").
- Nëse kandidati/kandidatja ka marrë dëftesë pjekurie/diplomë të shënojë **Po**, nëse kandidati/kandidatja nuk ka marrë dëftesë pjekurie/diplomë të shënojë **Jo**.

#### Lëndët e detyruara

➤ Lëndët e detyruara që mbarten:

**Lënda D1:** Në këtë fushë shfaqet "Letërsi". Mbikëqyrësi plotëson notën e shkallëzuar të kësaj lënde, që kandidati/kandidatja e ka fituar, që i njihet, apo i është konvertuar nga komisionet përkatëse, si lëndë D1.

**Lënda D2:** Në këtë fushë shfaqet "Matematikë". Mbikëqyrësi plotëson notën e shkallëzuar të kësaj lënde, që kandidati/kandidatja e ka fituar, që i njihet, apo i është konvertuar nga komisionet përkatëse, si lëndë D2.

**Lënda D3:** Në këtë fushë shfaqet lista e lëndëve të gjuhëve të huaja. Nëse kandidati/kandidatja:

- ka detyrim të japë provimin D3 zgjedh, në bashkëpunim me mbikëqyrësin, njërën nga lëndët në listë,
- e ka dhënë provimin D3 dhe është vlerësuar kalues, mbikëqyrësi plotëson lëndën dhe notën e shkallëzuar të kësaj lënde,
- nuk ka detyrim për ta dhënë provimin D3 (kandidat i maturës para 2014), zgjedh emërtimin "**Nuk zgjedh**" në fund të listës së lëndëve të gjuhëve të huaja.

*Kandidatët e Maturës Shtetërore 2014-2018, nuk lejohet të zgjedhin opsionin "Nuk Zgjedh". Ata duhet të zgjedhin detyrimisht lëndën D3, që do të japin provim, ose të deklarojnë lëndën D3 dhe notën e shkallëzuar të saj, në rast se e kanë shlyer këtë provim.*

#### Lënda me zgjedhje Z

➤ **Mbartja e lëndës me zgjedhje Z:**

Kandidati/kandidatja, zgjedh nga lista lëndën me zgjedhje Z që do të mbartë dhe shënon vitin kur e ka dhënë dhe notën e shkallëzuar që e ka fituar, që i njihet, apo i është konvertuar nga komisionet përkatëse, për këtë lëndë.

Kandidati/kandidatja, që në maturat shtetërore 2012-2018 ka dhënë 2 (dy) lëndë me zgjedhje dhe është shpallur kalues në një të një prej tyre do ta mbartë atë. (Udhëzimi Nr. 3, datë 14.02.2018, i ndryshuar).

Kandidati/kandidatja, që në maturën shtetërore 2012 ka dhënë 3(tre) lëndë me zgjedhje dhe:

- Është shpallur kalues në dy prej tyre do të mbartë një të një prej tyre (sipas dëshirës). (Udhëzimi Nr. 3 (pika 6, germa b), datë 14.02.2018, i ndryshuar).
- Është shpallur kalues në një të një prej tyre **nuk** mund ta mbartë atë. Ai/ajo duhet të rijapë një lëndë me zgjedhje, nga lista e lëndëve me zgjedhje. (Udhëzimi Nr. 3 (pika 6, germa a), datë 14.02.2018, i ndryshuar).

Kandidati/kandidatja, që ka përfunduar shkollën e mesme profesionale;

- Duhet të mbartë lëndën e Teorisë Profesionale të Integruar, nëse e ka dhënë dhe ka rezultuar kalues/e.
- Nëse nuk e ka dhënë ose ka rezultuar jo kalues/e, duhet të rijapë një lëndë të Teorisë Profesionale të Integruar, nga lista e lëndëve të Teorisë Profesionale të Integruar.

Nëse lënda me zgjedhje e mbartur është dhënë disa herë provim, do të mbartet nota e marrë në vitin e fundit.

#### ➤ **Zgjedhja e lëndës me zgjedhje:**

- Kandidati/kandidatja, që mbart nga maturat e viteve 2006-2018 një lëndë me zgjedhje, nuk do të japë provim me zgjedhje.
- Kandidati/kandidatja, që ka marrë dëftesë pjekurie para vitit 2011, dhe dëshiron të aplikojnë për studime në Institucionet e Arsimit të Lartë (IAL) por nuk ka mbartur lëndë me zgjedhje, nga maturat e viteve 2006-2018,
  - **nuk** janë të detyruar të japin lëndë me zgjedhje,
  - kanë të drejtë të japin një provim me zgjedhje, kur e kanë të nevojshme për të plotësuar kriteret e pranimit të përcaktuar nga Institucionet e Arsimit të Lartë (IAL). (Rregullore për zhvillimin e provimeve të Maturë Shtetërore 2019, Neni 11, pika 3)
- Kandidati/kandidatja, që nuk ka mbartur lëndë me zgjedhje nga maturat e viteve 2012-2018, duhet të zgjedhë për të dhënë provim 1(një) lëndë me zgjedhje, nga lista e lëndëve me zgjedhje, në përputhje me Udhëzimin Nr. 3, datë 14.02.2018, "Për organizimin dhe zhvillimin e provimeve kombëtare të MSH 2019", i ndryshuar dhe Udhëzimin e përbashkët të Ministrisë së Financave dhe Ekonomisë dhe Ministrisë së Arsimit, Sportit dhe Rinisë, "Për organizimin dhe zhvillimin e provimeve kombëtare të MSH Profesionale 2019".
- Kandidati/kandidatja e arsimit profesional, që nuk ka mbartur lëndë të Teorisë Profesionale të Integruar, duhet të zgjedhë nga lista e grupit III "**Teori Profesionale të Integruar**" lëndën që i përket indeksit të profilit/degës që ka kryer në shkollën e mesme.

